



Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

Naalakkersuisunut Apeqqut:

- **Naalakkersuisunut ilaasortat Ineqarnerminnut akiliutaat qaqugu qaffanniarpat?**
- **Aammalu Ukiarmi inatsisartut ataatsimiinneranni neriorsuutertik, tassalu upernaamut inatsisartut ataatsimiilerpata Naalakkersuisunut ilaasortat ineqarnerminnut akiliutaat qaffanneqassasut suliaq sumut killippa?**

(Inatsisartunut ilaasortaq Hans Enoksen Siumut)

Tunngavilersuut:

Ukiarmi inatsisartut ataatsimiinnerat UKA 2009 ingerlanneqarmat ilaatigut aalajangersakkat innuttaasunut eqquisut ineqarnej eqqarsaatigalugu saqqummiunneqarput. Tassami ilaatigut ineqarnermut akiliutit ilaat 51.pct-imik akitsuiffigineqarput ineqartunut malunnarlunnartumik ilaatigummi ilaqtariit ilaat assut inuuniarnermikkut eqqornerlunneqarujussuarput akit qaffarujussuarnerisigut.

Tassalu innuttaasut toqqaannartumik ingerlaannartumillu aamma ineqarnerminnut akitsuiffigineqarput, Issuaaneq allartippoq ”ilaatigummi Naalakkersuisut siulittaasuata inatsisartut oqaluttarfianniit tunngavilersuuteqarnermini oqaatigaa illuni 51.pct-mik akitsuiffigineqartuni ineqartut maluginaviannngikkaat taakkunani najugartut akissarsiakkaajummata” Issuaaneq naavoq.

Taavalu aamma AG nr 86 November 24-at 2009 saqqummersumi ilaatigut ima allassimasoqarpoq. Issuaaneq allartippoq“ Tuit nukittunerit oqimaannernik nammannissaat pingaaruteqarpoq, tusagassiutinut nalunaarummi Jens B. Frederiksen allappoq. Taavalu issuaaneq aallarteqqippoq“ Pisortani atorfillit akissaatiginnerit nalinginnaasumik attartortut ineqarnerminnut akiliuteqartarnissaat pissusissamisoortoq isumaqarpugut Kuupik Kleist oqarpoq“ issuaaneq naavoq.

Taakkunani illuni akitsuiffigineqartuni najugallit tamarmik akissarsiakkaarsuungitsut malunnarmat tassami arlalissuit utoqqalinersiuteqarlutik inuusut tassani aamma pineqarmata.

Aanali ilungersunartua ingerlaannartumik illunik akitsuereernermi Naalakkersuisut nammineq ineqarnerminni akitsuiffiginiarnatik qinnuteqarmata 300.000.00 kruuninik tapeqqullutik, tamannali pinngitsoorput Siumut saqqummiussimmat tamanna akuersarneqarsinnaanngitsoq, qujanartumillu tunniutiinnarput qinnuteqaatertillu atorunnaarsillugu, kisiannili neriorsuillutik Upernaamut ataatsimiinnissamat Naalakkersuisut illuisa akitsorneqarnissaannut inatsisissamik saqqummiussissallutik.

Tamanna suliaq maanamut Inatsisartut ataatsimiinneranni oqaluuserisassamik Naalakkersuisut saqqummiussaqaqqanngillat ineqarnerminnut akit qaffanneqarnissaannik. Uffalu allanut tamanut ukiarmili tamakkiisumik ineqarnermut akitsuillutik.

Sooq tamanna massakkumut saqqummiunneqanngila sunalu pissutaava saqqummiunneqannginneranut, kiisalu massakkut suliaq sumut killippa?